

棟亭詩別集

棟亭詩別集目錄

卷三

讀朱赤霞寄後陶詩漫和

和些山冬至前三日詠東軒竹見寄八首

不寐

十月朔後陶雪篷返櫂戲呈

題贈吳開文三首

題雲辨上人小照

題吹簫美人圖贈亮生二首

送亮生江陰補試二首

甲戌臘月爲後陶先生侑觴三首

窗前綠萼梅

題耦長畫電公行卷二首

七月十二夜西廊看月即事

戲和靜夫詠竹夫人用韻

髯几聯句

與亮生

題尹少野畫驢四首

贈陳開益

丹陽道中

惠山題壁

聞二弟從軍却寄

送葉子山沙谿掃墓四首

八月十八日夜石湖泛舟

玉山僧院牡丹

江閣曉起對金山

和同人西堂集飲詩

送余九迪之介休四首

鶴栖堂詩

有引

題畫

曩逢月令寒曹支給咸賴同舍權稅饋貽薪

俸自贍餘及故人庚辰仲秋籌餉愆期酒
米之船復不至公私匱乏索逋成讐展書
誦之得晁道元與天公牋閒然喁喁僮僕
驚愕因詭猥其事語以固窮之術且資同
郡之一笑也

題鳳子畫扇二首

題蕭靈曦臨清閼閣圖時徐史折花插瓶以
付之四首

獅峰小照

與曲師小飲和靜夫來詩次東坡韻

戲題西軒草木

冬來爲風逋所累拉髯兄曝日堂前出扇得
畫圖思世情不覺失笑遂題畫端此紫雪
菴主得力之偈也即以奉贈以爲開歲笑
柄

賦得金陵賀雨效徐天池

又題鹿墟小照

送遂人歸江寧

送夢公北上

喜陶柳村牆頭菊詩先成和其字兼促吹萬

作二首

口占送橘農二首

戲題陶柳村扇

柳村畫荷花長幅戲題三首

洋繡球花

遣悶調畫公

棟亭詩別集卷三

千山曹寅子清撰

讀朱赤霞寄後陶詩漫和

貧居愛客貧多趣
生計如官大可愁
衙罷典衣違例禁
病餘丸藥避章糾
難防敝篋銀杯化
祇合齋糧石廩休
慙媿香河老摩詰
諸天一粒絕煩憂

和些山冬至前三日詠東軒竹見寄八首
廨宇東頭修竹枝
抽空綠影自幽奇
冬來解帶圍加長
客爲凌雲苦構思
蒙密窗間無面勢
蕭疎梅外有丰姿
南行歲月書詳記
欲寫清光已後期

吳竹冬郎手自栽，繚垣周肱網莓苔。舊陰獨許藜
牀設，新徑那移鍛竈來。碧玉根芽深不見，黃雲捧
戴望難開。可憐一線愁牽處，除待麻姑海上回。
風葉連翩歷架書，少年昌谷比相如。調饑不慰胸
中鳳，致富徒思海大魚。水遠心煩竿動裊，日長背
曝自躊躇。渭川千畝方迎嘯，名擬糟丘合傍居。
玉管慙慙記棟亭，誰將遺恨洗空青。七年墨瀋文
光動，一半秋聲俗耳聽。翠足粉胸清有自，成茶散
繭巧難馨。杜陵句法磋磨得，朝夕還同座右銘。
水竹東南選勝多，樂天出處似東坡。紅欄碧浪爭

清福道服芒鞋接嘯歌節槩維何光史冊風流幸
是近陽和吳庠墨寶吾真供

蘇州府學存
東坡墨竹

一簣承瓷

勢已裁

玉削參差玉戛寒柯亭千古選才難可堪驄穴乘
車入却借西山拄笏看瓊粉雕牆新垞字綠沉打
棗故園竿迦陵不響魚音響把手天臺路未漫

小弟將書寄北堂似因疎嬾慎爲郎此中飲酒宜
無恙偶一吟詩旋已忘技遜投壺天發笑羹非斟
雉鼎流香人間桃李饒蹊徑徭徭青蔥或可方
憶從錫麓望銅官歸去深栖類柵翰免俗祇教謀

肉食耽幽誰得解眉攢籃輿異代真同調漁笛邀
人亦古歡眼底煙波三萬頃何時長簾展琅玕

不寐

北風終不息高枕又空支或爲蒙頭穩其如塞耳
遲庭空期一掃蟲化豈徒悲得似愚兒女橫陳爛
熯爲

十月朔後陶雪篷返權戲呈

叢竹經冬別興長布帆一一問滄浪不成小住家
都近如此離筵客莫忘內府舊分時憲曆水曹新
餞祭餘羊題情索笑真無句明歲探梅過野塘

題贈吳開文三首

簫催黃竹鬪風行，卧聽前船擻笛聲。
驚起中流相顧語，年年堪得遠逢迎。

故人零落獨高閒，絕藝曾隨供奉班。
世味誰如惠泉水，人情一似虎丘山。

中年陶寫竹兼絲，粉澡何妨坐上施。
試看崖巒添氣象，枯杉一樹李綱祠。

題雲辨上人小照

石片苔紋趺坐邊，阿師羸秀寫當年。
梅爲琢鍊堆前樹，人是摩訶池上蓮。
行識自來矜色相，聲聞何

惜證飛仙而今枯木寒崖後祇有名根種硯田

題吹簫美人圖贈亮生二首

紫雲割去墨淋漓自信娥眉可療饑想見琴清茶
嫩處有人批頰罵頑癡

湘東一目猶堪戰唾手燕雲句可償解識瓊簫無
限恨海桐花下踏春陽

送亮生江陰補試二首

丹黃誤客空雞肋朱墨勞人一鼠肝試看華陽仙
話上頭銜誰寫秀才官

短兵薄肉多奇中長戟捎空漫拍張不信日華迷

五色老拳磨礪自當場

甲戌臘月爲後陶先生侑觴三首

矍鑠歡場氣欲飛
南京久客不須歸
回頭七甲成何事
泥飲春風無是非

已罄行裝二萬錢
又延崔算一千年
即無烏牓巾車累
同是移家散誕仙

一勺滄波一葉桑
年年春酒頌華陽
他時真誥仙樓上
不用頭銜寫漫郎

窗前綠萼梅

拍撫牀頭濁酒壺
早寒香思尚虛無
西園玉蝶飛

何限東閣瓊英半已敷同是一花多蘊藉天然數
朶不支吾日長似有春煙起獨向苔岑問藐姑

題耦長畫電公行卷二首

雲林註脚宣城下爲問隨公首肯無老去自甘門
外漢不將真色讓登徒

聽泉倏到無聲處正是眉毛挂劍時說與支那多
滲漏箇中玄要小乘知

七月十二夜西廊看月即事

楊柳風多斂露煙中天月色到窗前吟蟲占草時
尋鬪露鵲分枝自待眠營室易償牛女貸楚江饒

隔雁鴻偏應傳笑語揚州去後夜新詩滿泛船

戲和靜夫詠竹夫人用韻

閒情一賦感羈孤豔體誰堪競式模娛老專誇終
席寵扶衰幸免剝牀膚披揚紈扇拋清夜屏遣薰
籠寄別慙只此詩家益矜貴尋常極品錫青奴

髻几聯句

與亮生

大木值鴻匠 運削無斤痕睥睨出新樣 引繩
度維垣方平法地勢 爪距排天根靜若雍鼎峙
壘比崑臺尊蝸斷鰲趺趺 籀畫雲軒軒他山致
礧石 漆林發周原琢此蒼壁潤 斲彼霜縣繡

摸稜貴堅緻 深澗費頻煩 乍疑髮可鑑 逼撫
光難捫 女膚不留手 龍漿冷無倫 方當列璇室
詎足施蓬門 豪家侈綈席 高齋拭朝暎 孔安
負纛器 狼藉愁餐樽 下窺腹空洞 上憑面晏
溫 擎慮衆力殫 隱覺孤思騫 屹然枕華岳 卓
爾倚鳬臺 靈檀誰克覲 烏皮未能緩 長夏屏諸
物 涼宵罷清言 坦近我胸臆 玄栖吾夢魂 咄
哉大塊外 蟠錯咨淵源

題尹少野畫驢

城東男子黑白鬚 先生大肚驢 爭似集賢張

蝙蝠巾箱片紙涉江湖

豔段空傳孟浩然尋常詩思灞橋邊荒山古道無人跡却顧奚奴緩著鞭

策蹇寒林葉未枯就中誰識鄭昌圖山人漫乞曹唐句昨夜瓊花喂飽無

樵青背上金雅嘴荒草坡前白苧韁介葛盧能知鄙事前村流水正斜陽

贈陳開益

我官嬾躊躇君醫益支離敝帷困風雨笑殺昇州兒我骨尚未衰君眼亦復奇療我熱中患似救臣

朔饑我病病不相君困豕有辭目瞶知飲啖相馬
須空皮觀君粲貝齒豈合甘藷藜先人盛陰德獲
福報必施長頭與大鼻會見嗤鴟夷與君多世好
啞啞言非卮勗哉氣與運一呖勿遲疑

丹陽道中

波上輕塵欲襲裾班班野岸少行車菜花雨足湖
田沒菖葉風清鱸粥餘海國調租憂稻長水曹行
役讀蠶書布帆此去真寥廓誰弄晨霞坐綺疏

惠山題壁

惠山山寺坐嘗茶杯影春山句絕佳澹永自來非

舌解僧窗一箭草蘭芽

聞二弟從軍却寄

與子隨地同胚胎與子四十猶嬰孩囊垂秃筆不
稱意棄薄文家談武備伏聞攘狄開邊隅聞子獨
載推鋒車回憶趨庭傳射法平安早早寄雙魚

送葉子山沙谿掃墓四首

百里婁東是近鄰少年休羨作官身紛紛木葉亭
皋下咫尺難爲擁篲人
奇文獨賞不須疑堅坐非妨曉起遲秋蠟春蠶思
昔句先民有戒莫吟詩

堂構重新繼舊家。福天宅相豈能加。古來賢達庸何事。腹有詩書氣自華。

故人有子復何求。却羨成人掃墓秋。一片綠帆涼雨裏。讀書幾卷到沙頭。

八月十八日夜石湖泛舟

紫煙不見上方亭。已上青天玉彈星。一鼓金輪方躍出。醉身從此藉空靈。

玉山僧院牡丹

舊種知名貴。重臺雜卉茵。紫衣端向曉。紺宇靜移春。江露扶頭重。山杯洗足頻。闍黎將此意。歡喜供。

天人

江閣曉起對金山

淮海維揚衽席間，卧遊終日似家山。
破窗風影千帆盡，欹案茶香六夢刪。
絕好夕陽明硯瓦，無邊新漲聽潺湲。
從誰絢寫驚人句，聚石盤盂亦解顏。

和同人西堂集飲詩

上春花間雪，郎舍屐叢來。
事覺樽罍勝，堂疑錦繡開。
蘭亭人比數，梓澤斗量才。
緬邈風流意，沉醉籍草萊。

送余九迪之介休四首

名士誰能到奇雅散人終是憶滄浪知君托贈非
無意留與東園作報章

眇光囊篋皆金石自策青驪向太原郭有道碑書

谷口

近有鄭八分

幾時封寄達東軒

豪侈人思金介休紅蓮一幕儘風流誰知嘯詠無
餘事布策真堪作厠籌

九老善勾股法因憶湧幢小紀中有可笑者故及之

荻戟嬉遊如昨日修髯不見又多年相思日日翻

京報憑仗由余到汝前

憶秋原表兄太原太守

鶴栖堂詩

有引

已卯

皇上南巡狩駐蹕蘇州翰林院檢討

臣何時年八

十有二奏

萬壽詩四十韻深被

嘉歎

御書鶴栖堂三大字賜之一時薦紳士大夫多

述爲詩歌以紀其事

臣寅竊記

皇上之幸茲土者三矣龐恩濺澤史不勝書而獨
於此東南之衆若更有愛戴

至仁於無窮已者夫豈筆墨之惠番出於省刑
薄稅之上哉蓋海內之衆沐浴

聖化已久不識不知者俯仰飲食而已臣侂以宿學名儒守官中秘爲朝野人文之望方且從容歸老又享大年而值茲

寵錫其爲炤耀卓越誠所謂鶴鳴九臯不可掩抑者也而臣侂則又疏之以爲鶴所以願其壽而栖所以樂其隱此似得之矣當承平之世文學之臣無罪無累婆娑田野率鄉閭之士載觀天光而復

君貺臣荅愷悌流連溢於筆墨即詩之鹿鳴天保托詞於瑟笙酒醴者所不逮也而臣侂亦

何幸於八十有二之年耳聰目明以際遇之

哉

臣寅

待罪東南與

臣侗

交最善樂其事之

盛也因爲韻語序其相與之槩以繼作者之

後云

翰林父子今二疎歸田讀盡人間書歸然八十興
不殊巖廊陟降嗔孫扶衡門絃誦咸生徒絕無請
託邀簪裾滄浪載酒葑溪魚三年對宇深相於昔
多促膝今離居相思時一登舟輿水曹細瑣官拮
据知我塵垢非清癯新詩遠寄憂可抒固窮詎惜
相响濡百年自命愚溪愚

聖人重瞳臨海隅，息數不與常人俱。安老遂隱深，
煦噓赤文綠字耀鄉閭。要與仕宦爲楷模。臣侗九
拜戴而趨。臣寅載筆無私諛，維時四月清和初。

題畫

赤霞柳村雜畫花果蟲豸隨畫隨題筆不停
輟半餉得三十三首聊資捧腹不期肖形也

木芙蓉

牽絲紉線賤生涯，持向諸僮只識麻。老病臨川多
忍俊，西風亦唱旱蓮花。芙蓉見鬻
布戲題

桃

莫問玄都觀裏栽，三千年一樣花開。先生飽食雖
無分，曾見綏山大核來。

蓮蓬

亂柳殘蟬仔細吟
老魚吹浪注波深
秋風南浦無情極
十里飄紅盡苦心

蘿蔔撫拾時事一笑

培染髭髯服地黃
夜寒誰送紫菰湯
胭脂賸盡空心物
老手從來辣比薑

百合

百合爲蚓化本草
疑有悞丹青不作花
下筆豈無故

筍

傷生多在美粲粲錦綳兒此句堪噴飯前人注杜詩

石榴

石榴墨繡虎斑皮迸出明珠打雀兒更向天池乞一句革囊滿貯碧鴉思

雞冠

小雞竦待大雞昂八月東籬菊早黃不解朝陽惟報曉西風贏得滿頭霜

馬蘭

娉娉復纖纖常年伴石龕問名稱菊婢小袖截雲

藍

洛陽石竹

春羅裁剪勝秋羅石竹參差種最多
天意何辜窮麗巧雙丸來往擲金梭

楊梅

橫山不食楊家果麤比檳榔一例看
滑膩只知防紺唾人間更尚水晶丸

菱

菱蕩秋成到處家兒歌婦唱日初斜
舟煙一點鰕屯熟不讓諸僮食餅牙

木瓜

晴窗無點塵小雪疎梅候磊磊壓雕盤清芬坐來
久老非筋力能餽報瓊瑤厚此意在詩先市徒惟
適口

佛手柑

合掌自來稱毒手人間鈍漢豎拳頭西堂偏識枸
櫟性截片烹茶也自幽

桃柳蝴蝶

楊柳自搓青黛山桃亂抹闌支蝴蝶栩栩誰化媚
盡春陽不知

西瓜

砌花纔罷又鏤燈風景人間秋倍增頗憶故園當
暑月綠沉初剖薦新冰

栗

何時蛻蜩形空遺侯白笑不必共芋煨新香桂花
好

桂花

金粟如來種子飄香又屬仙枝題並塵沙劫後一
切螻蛄不知

梅花

書家誤作媒甘酸失果味畫家得其理形影每相
背綠萼瑤華精檀注未應怪君看枝幹古相賞莓
苔外

紫薇

羞明初似昏黃月呈技還如怕癢花郎舍頻年殺
風景矮牀袒跣撥琵琶

茨菇青蛙

茨菇花好勝菖蒲荇葉參差捋短鬚四月蛙蟲乘
土氣幽風何似畫關雎

鳳仙

水浴新蟾透碧紗
畧施鉛粉啖香茶
晚涼庭院真無事
摘盡一堦金鳳花

罌粟

百年身世手搏沙
檢點春風笑歲華
鋤盡芳蘭枯殺蕙
滿庭璀璨米囊花

牽牛紅蜻蜓

黑丑花開早晚涼
紅蜻蜓出雨絲香
清秋最要濃描寫
莫種梧桐夜漏長

蛛網

滿樹茸纓火欲然
青青葉合夕陽前
蜘蛛摩腹遊

蜂醉却畫幽燕數伏天

煙花

深溝高壠上腴田闊葉紅花帶露鮮玉食幾人窮
地味不餐煙火是神仙

五瑞圖

戎葵簇錦綠蔥幽艾花花過午休老病菖蒲羞
服食石家阿姊太風流

紡車婆秫秫

野藍新綻紫肥秫絡緯淒吟針婦飛畫裏西莊好
風景白頭空說不能歸

秋柳芙蓉懸蟬圖

寥落芙蓉映水鮮一枝細柳更堪憐西風詎是無
情物莫把秋心問啞蟬

棗栗雜果二首

甘榴白馬寺棗栗足幽燕旅食悲菱芡秋成又一
年

戢戢碧蓮子當時紅藕花空心笑萊菔鉤帶鷓鴣
瓜

蕙蘭月季

蕙蘭不違春刺薇媚四季物性非短長各自了花

事寄語惜花人
溉灌勿庸視

蒲蘭紅蜻蜓

寧爲牆頭草
莫作陌上桑
君不見翩翩紫蝴蝶
戲學梁家七十二
鴛鴦
蜻蜓偷眼伯勞去
落絮飄英空斷腸

雄雞冠秋葵

青箱老綯辰砂色
丹葵宜種忠臣宅
毛羽禎祥覆
霽雲繪家豈是無
師得君不見籬下
鞠花矜末節
杜鵑自哭枝頭血
涼秋肅殺柔脆彫
角角一聲天下白

曩逢月令寒曹支給咸賴同舍權稅饋貽
薪俸自贍餘及故人庚辰仲秋籌餉愆
期酒米之船復不至公私匱乏索逋成
讐展書誦之得晁道元與天公牋閒然
嗚噓僮僕驚愕因詭猥其事語以固窮
之術且資同郡之一笑也

用古韻

汝欲戕天天益高誰能飽食不操勞絺衣綵縹空
糟布輦帶彭亨有飯捎直以金鉦驅瘧鬼何須燈
火借元宵

中秋江寧擊鼓爲樂自去年迄今家人
病用蟲咀大咋異怪百端與文畧同

先生久秘長

房術待把茱萸徧賜糕

題鳳子畫扇二首

五月懸蟬未有聲
楊枝折處碧雲晴
憑伊問訊東鄰子
一片澄湖隔冶城

清萱小字本忘憂
蛺蝶能驚是魏收
還記水天涼月處
輕紗小扇唱伊州

題蕭靈曦臨清閨閣圖時徐史折花插瓶
以付之四首

閒挂空齋一字蕭
望衡長憚步趨遙
可憐風雨揚州路
野水漂花廿四橋

狼藉揚州一擔春
澆花原屬卞家人
谿山清閨無

賓主手把煙嵐付外臣

一聲乾鳥一聲鴉暢好揚州看菜花驚起不知窗
日滿西鄰鼓角開晨衙

嬾向揚州閱歲年遄歸仍約麥秋天山川建業原
如畫誰禁江亭跂脚眠

獅峯小照

夫須不易戴曳杖向誰家舊業燒丹竈前身弄紫
霞獨行如避姥岐路少乘車漫著東田賦西風老
筆花

與曲師小飲和靜夫來詩次東坡韻

簿書無多苦無暇解襪科頭剩清夜桂花憐我乘
閒開招飲不來愁日下叟叟騶卒誰可擬泛泛匏
尊空自瀉西廊擗笛大有人酬唱寧須論流亞生
平厭誦小山賦局促詩腸每饒借安知金粟平等
觀鼻觀微叅已深謝荒涼共歎老官署醉睡差堪
傲茅舍何惜輕栖花上塵只愁盡啖盤中蔗永夜
誰憐促織悲歌長遽覺垂楊怕來朝欠伸過早衙
廿年幸脫長官罵

戲題西軒草木

石闌初見粉山茶遶切幽蘭盡茁芽木筆脫胎薑

草長黃梅花對白梅花

冬來爲風逋所累拉髯兄曝日堂前出扇
得畫圖思世情不覺失笑遂題畫端此
紫雪菴主得力之偈也即以奉贈以爲
開歲笑柄

道貧已不見身貧衆乃驚我本放誕人聊復遣此
情左廂蓄聲伎右壁圖蓬瀛中堂泛匏樽日夕醉
還醒古來賢豪士懷抱恒不平貴賤使之然區區
無近名即此亦云樂毋爲造物輕

賦得金陵賀雨效徐天池

清風吹人不著力白日垂翅飛上山雷車轆轤輾
何所空有雲彩生其間欲來不來巫詛罵珠琲銀
線隨方下綠鞵賀雨畫堂深專城誰賈新涼價秧
馬泥牛記莫同玉杯繁露竟無功陰陽愆繆猶環
轉炙燕還愁惱毒龍

又題鹿墟小照

乘車戴笠不殊塗百萬松風價辦無老客揚州成
一笑匡牀重對白髭鬚

送遂人歸江寧

月滿三江口人乘四仲潮何愁瓜蔓溜穩駕木蘭

橈興劇檣烏轉秋
乾岸柳凋還攜廣陵雨涼入石
城橋

送夢公北上

倚杖思惟已後時
布帆挂起亦相宜
揚州送別情多少
卻對寒泉理鬢絲

喜陶柳村牆頭菊詩先成和其字兼促吹
萬作二首

陶家籬落宋家牆
素女青娥半夕陽
畫額橫排全足錦
歌頭高領一園香
當筵剩押題糕字
冒雨誰來說餅鄉
確是風流同戲馬
龍山禿鬢對蒼涼

書幌吹香度午遲晴雲交影動
呆愚欲刪凡草千重恨自祝頽齡
一舉卮錯彩闌裝愁縛帽純黃降
氣守中池人間小杜難輕薄能續樊川九日詩

口占送橘農二首

橘頌隨時入楚風霜苞老薦洞庭紅
五湖原屬鴟羆子莫笑寒宵說餅翁

玄武湖邊放鶴亭雲山偃仰入空青
不知塵世鋪糟客覲面何由識酒星

戲題陶柳村扇

鮮紅誰畫剪春羅夜合花開貯錦窩
不著尋常浪

蜂蝶郵亭春水早涼多

柳村畫荷花長幅戲題三首

多生慣說如船藕潑墨驚掀閃電窗莫道詞人無
膽氣

太白句

一枝一建蕊香幢

花花相似葉相因數葉排花便失真若把凡花比
君子無窮荷葉比何人

遮風偃露三千蓋做得鴛鴦夢也清箇是吳儂識
吳好莫愁湖畔石頭城

洋繡毬花

剪玉復裁紈玲瓏不柰寒細腰薰得醉碎蝶簇成

團莫辨唐昌悞宜同卉服觀終須寡丰韻稠疊歷
闌干

遣悶調畫公

三月鶯聲啞西園花不開猛揅攜酒去那肯借書
來睥聳應同調驂驪強共陪尋常遊里閑隨意舉
鞭枚

棟亭詩別集目錄

卷四



題高使君指頭生活爲松客運使四首

題李畫公給諫顧曲圖二首

讀萬石山莊詩再題治堂小照

無題再調畫公

謝竹村餉籠蒸

賦得桃花紅近竹林邊和澗姪韻

和喬俊三東村書屋詩

六月廿五日大雨同鹿墟九迪子魚植夫吹

萬勝友小酌分韻前一日允文序皇又昭
上若俊三先歸揚州却寄二首

和冷齋雨後泛舟天池

十八日天池納涼喜鹿墟治堂至同拈書字

題郭于宮克嫺堂奉母圖

送汪度若朱林修歸金陵

口占送鮑又昭王允文唐序皇歸揚州三首

題雪鷺圖四首

飲椿下

西軒同人將別用和蕉飲原韻醉中語無倫

次兼簡鹿墟右誠蒿亭元威俊三綱菴吉

雲尚中四首

西軒樹影

月夜書贈冶堂

西軒卽事

七月十日天池柳下納涼分韻二首

和同人舊江月下聞蟬

題柳村送別圖

阻風燕磯登岸望洪濟寺有作

阻風寄西軒諸友

雪後和晚研澄江載酒人至兼憶真州昔年
聲伎之樂

送楊滙南入都

吳園飲餞查浦編修兼傷竹垞南洲

題史蕉飲春泉洗藥圖二首

辛卯三月二十六日聞珍兒殤書此忍慟兼
示四姪寄西軒諸友三首

畫師謝千子有子年十四能作山水大幅余
喜爲題二捷句且嘉其將來能跨竈也

題畫四首

題風江倚櫂圖二首

題畫

于宮贈經屑枕志謝二首

時病耳閉

送王竹村北試二首

紅橋看荷花熱甚游船雜還戲拈一韻成詩

月夜納涼喜又昭至

雨後西軒與又昭蓼齋秋屏限字

護月與秋屏煎茶待旦

和洪秋士中秋原韻

題鷺

飲東園候主人不至

偶題三首

竹雀

以下八首題畫

秋林

荷花

茗具瓶桃

雪球

菊蟹竹菇

梅雀

黃薔薇

書院瓶中杏花將殘漫贈三絕句

贈楊舜章二首

題秘戲圖三首

詠杜鵑後漫題當歸俗名荷包牡丹南京久

客杜陵句也

質公餉藥釀甚佳

戲題三首

戲題惲香山畫

題松圓老人畫

題沈石田乳鴨三首

送王竹村入蜀二首

送程夔震奉母還淮陰

題徐文長畫

月夜西庭納涼喜東田枉過三首

題五世讀書園圖

石榴花扇

晏起戲作

題畫梅花

凌方眉畫茄爲東園破笑聊當七發

飲清園

晚過南園

雜句

棟亭詩別集卷四

千山曹寅子清謨

題高使君指頭生活爲松客運使四首

平原秃爪風猶厲蒙叟駢枝妙益多惆悵騰蛇笑

鼯鼠幾人開掌辦菴摩

使君父死
耿逆之難

五輪揮灑勢寄峯擘劃丹青苦累心紙上他年入
神品雪船風柳有餘音

研田宿墨恨難除喜見蹲鴟縱所如若道戈波是
新格中書君豈不中書

胼胝枝梧久不材多生恒罰抱尊壘近時長進稍

能事搔得仙人背痒來

題李畫公給諫顧曲圖二首

王昌十五在牆東繡被金堂夢久空
昨日隔簾風動竹誰知潛入畫圖中

衰年省颯逐人多
汴充庭柰耳何得似雲中李
都諫不聞世事只聞歌

讀萬石山莊詩再題治堂小照

萬石句總好治堂格更超
新家近黃子舊社在紅橋
童豎豈名穀荷花還姓蕭
過時思謔浪揮手欲

相招

治堂不蓄童婢故戲之

無題再調晝公

謾拋銀字逐錢刀
嬾上金牀背
伯勞紅袖泣
魚周
小史綠鞵喝
盞鄭櫻桃
鎮長亂局
獨兒吠
邂逅爭
春葉子拋
可憶紫苔舍
南客滿簾絲
雨炙蘭膏

謝竹村餉籠蒸

雕盤蒸裏訝
吳儂還憶江村說
餅翁加手酵來成
左紐和雲擎出滿單籠
食品有單籠蒸
官癖應節愁膠齒
老婢餘紅倦鏤蔥
見宋人小說
拄腹自慙鄉味美
豆棚東畔

足涼風

賦得桃花紅近竹林邊
和竹澗姪韻

過時濃笑趣春深
睨晚黃鸝坐碧陰
自遣湘煙拂
眉黛不教楚女識
愁心豔分鬢影
當爐酒清並凌
雲對月琴莫趁
天寒怨輕薄
東風斟酌白頭吟

和喬俊三東村書屋詩

不識城東角里村
意中流水綠當門
苦愁單舸無
風便長望晨煙若雨屯

真州無雨揚州已霑足

野趣久諸人解

襪鄉情將次棗垂垣
更誰商較殘編事
除摘新荷

蓋瓦罇

戲用鮑生事

六月廿五日大雨同鹿墟九迪子魚植夫
吹萬勝友小酌分韻前一日允文序皇

又昭上若俊三先歸揚州却寄二首

罄足經宵雨沿江聚客舫
奇涼思命酒殘夏且登高
野柳不成列家山遮幾遭
所欣聯几榻深淺各酩酊

襖被來更數眠音和雨聲

眠音見華嚴經

大都傳舍夢多見

故人情水闊鱸魚賤窗空燕子平
揚州無百里一舸溯秋程

和冷齋雨後泛舟天池

輕橈如散步隨意歷湍沙
幾尺纔添水長年不繫槎
漁錢時漫與岸柳致多斜
自笑南溟闊逍遙亦

有涯

十八日天池納涼喜鹿墟冶堂至同拈書
字

汀花渚鳥半船居咫尺邦溝嬾報書卜日預成開
口笑罄歡何有信天漁屠羊肆近歸非晚捲幔山
多夢久虛小摘水蘇消午熱臥乘殘月到吾廬

題郭于宮克嫺堂奉母圖

百堵斯興且後時清門丹堊未磷緇培風實藉詩
書氣愛日歡惟菽水知異數全家瞻墨寶流傳餘
韻入歌詩萬言會遇酬恩地莫共蘭臺鬪麗詞

送汪度若朱林修歸金陵

青溪歸客白沙船
酒甌書囊枕藉便
夢醒龍潭殘月
在不知詩思阿誰邊

口占送鮑又昭王允文唐序皇歸揚州三

首

一秋幾日不空過
強半消磨故紙中
天外鳳凰誰

得髓

小杜句

許君親見楚州翁

各贈赤方先生集一部

絺衣挂壁晨猶汗
入夜東風遽作顛
似觸離情迂
歸思柳邊緩解楸頭船

不成小住難爲別
氣味精神共一旬
八月真州無

過雁殷勤頻感北來人

題雪鷺圖四首

水雲混混影模糊一句難分主客圖
好爲豐年祝三白滿收春色入菰蘆

肖生舊學黃居采蕭散無過崔子西
乞與兒曹排畫燈恐隨煤尾重家雞

工窮尚有論詩伴寫意難逢讀畫人
一夜江風開筆障西灘雪翼更精神

刈蕭編葦隨時過蟹舍漁莊放脚眠
漫笑白頭多縮頸幾時離得蓼花邊

飲椿下

待飲秋儲酒乘閒夜校書漸親紅蠟影徐看碧鯨
呿盆菊初斑蕊庭柯可敞車前時舊賓客恒歎食
無魚

西軒同人將別用和蕉飲原韻醉中語無
倫次兼簡鹿墟右誠蒿亭元威俊三綱
菴吉雲尚中四首

風帽欹斜手自扶屏空金粉一花無冬程已邁千
行雁山信猶傳九日萸

聞金陵疫氣已解

排夜笙歌爭引睡

分曹賓客坐投壺乘閒四韻非能事幸少當門吏

索租

鹽米堆前卸擔輕
漁灣漁子快相迎
慣扳小翼連江櫓
直指蒼寒出浦城
人老煙波仍舊習
地閒茅屋又新成
思歸緩和吳娘曲
楚雨瀟瀟白浪生
水遠山長疊字歌
懊儂無那別愁多
驪珠什襲人重摘
粉蠟連番手細挲
黃葉止啼難却老
紫瀾迴海眩生魔
中原壇坫誰爭長
一映紛紛笑李何
文彩曾欣接老蒼
半隨山鬼唱迷陽
果思構李應存核
花近蕃釐別有香
市遠幸餘泥水蔽
霞標空逐燕鶯忙
掇皮不少無枝葉
樗下挑燈細舉觴

西軒樹影

窗搖蜜炬散晴煙老樹移陰入檻前
葉盡一枝無宿鳥客來六月正聞蟬
沍霜愁踏蛟龍背抱影寒分襖被眠
却藉餘風送殘籟細和新韻綴詩篇

月夜書贈冶堂

明月不長好故人能久居寒霄澹風彩
醉面頰霜蕖夜半復登閣歸來重展書
悠悠古賢達狂者政何如

西軒即事

野蝶曬衣來紙上老夫營眊坐窗中
恍然一笑成

陳事門外寒江正北風

七月十日天池柳下納涼分韻二首

鎮日維舟古柳根，半期結夏半留髭。
畧數馬隊橫經席，漸引漁桴護水門。
市口晚潮人競渡，檣梢初月燕飛翻。
波瀾一笑南溟闊，稍待秋風問本源。

翠幃陰昃水光涵，樹北移居過樹南。
天末數峰爭釀雨，尊前半偈許同龕。
欲除內熱生禪病，乍茹新涼勝蔗甘。
愁寂城隅紅菡萏，清宵長使夢魂酣。

和同人舊江月下聞蟬

青林不翳月嘒嘒，若爲吟此地夕陽淡。
往時江水

深草蟲初學語秋柳最傷心除是題詩侶停撓一
賞音

題柳村送別圖

終年囊襜挈提輕舟馬長艱一日晴舊雨依稀留
墨瀋殘梧蕭滅變商聲江潮候雁乘時迓柵鴨灘
鷺結伴行白盡髭髯緇不得濡毫空費故人情

阻風燕磯登岸望洪濟寺有作

荒崖斷砌草如茵風力排江響達晨煖耳向陽俱
茸帽打頭頒歷又新春茶煙入寺尋僧話苔翠連
牆動石鱗尚記小園留客處亂堆鴨脚叫山賓
十二

六年前晤蒲菴
曾縱猿後山

阻風寄西軒諸友

菊部新翻曲餘音尚繞梁庭閒空落葉樹古獨垂
楊粒食同僧飯殘編襲佛香何人減塵事散步到
西廊

雪後和晚研澄江載酒人至兼憶真州昔
年聲伎之樂

調撥吳儂舊管絃依然衫袖感華年歌成粉絮飄
筵上夢醒銀槎臥酒邊楊子潮寬浮凌後鹽官詩
興早梅前開醒正有還家樂好超西林放霍船

送楊滙南入都

詞館恩殊遇承歡許就家一時畢婚嫁此去列清
華吉日瞻堯曆春程指帝車彈冠吾亦喜接座滿
煙霞

吳園飲餞查浦編修兼傷竹垞南洲

離會漫無據風花多半吹怪來情思減添得暮春
悲路即蓬山遠歡非地主爲眼前三百錢何用不
申眉

題史蕉飲春泉洗藥圖二首

滿耳春泉破寂寥花林紅紫笑相招可知君是維

摩詰肯向長饒乞藥苗

菩提坊裏耐煩人青瑣門前給假身省識畫圖猶宿契年年靈樹祝長春

辛卯三月二十六日聞珍兒殤書此忍慟
兼示四姪寄西軒諸友三首

老不禁愁病尤難斷愛根極言生有數誰謂死無恩拭淚知吾過開緘覓字昏零丁摧亞子孤弱例
寒門

子仲多遺息成材在四三承家望猶子努力作奇男經義談何易程朱理必探殷勤慰衰朽素髮滿

朝簪

聾聵雙荷異懷迷復此晨那堪無事老長做不情人
薄福書囊遠偷生藥裏親蹉跎非一致豐嗇恐
難論

畫師謝千子有子年十四能作山水大幅
余喜爲題二捷句且嘉其將來能跨竈
也

掃除俗惡千行字塗抹酸甜一例詩畫得青山如
屋裏聰明應是謝家兒

好手易描金粟影枯心難覓輞川詩天邊一滴驚

王乳巖得城南放仗兒

題畫四首

錦石幽花一院深日長無事罷彈琴
應誰說似千山裏門外趺趺有足音

人能具山意崔亦識琴心祇恐寒崖畔
梅花笑不禁

流泉融得堯時雪老樹難留四季青
眼外混茫誰試覩五琅山下即滄溟

垂老甘同木石居畫禪重勘了無餘
邇來亦解閒生活手斂薑芽自校書

雙村以冊索題倉卒無以爲應時方校全唐詩語云自首免罰天池亦曾及之

笑笑

題風江倚櫂圖二首

陸張以下世無譏水枕風竿興亦微
此處江空幾千里煙波不見一鳬飛

澎沙激浪似掀箕老翠聊蕭力不支
笑語江邊諸

惡少泊船須是順風時

予向有句云老去心情非見獵逆風正喜未張帆此詩正爲下一註脚

題畫

午窗沸墨自氤氲卓筆難成冰雪文
題向暉池無好語漫山秋浪不生雲

于宮贈桎屑枕志謝二首

時病耳聞

已厭清談飛鋸屑重聞裝枕治奇聾逆行可是通
靈訣常帶餘香入夢中

靜掩雙荷思有涯老夫睡穩即辭家
相需更欲添功用來日吳船問菊花

近復苦
目暗

送王竹村北試二首

秋捷兆清和眉間黃氣多
綸音聞益額門第例
高科快馬爭燕市輕舟入濟河
尋常法先輩調筆
意如何

掌大懸香閣文光射斗魁

芷園小閭鄰試
院寓公多利

年來棠樹老

君去桂花開野券驢三紙鄉情水一杯
喜書三十

六好爲慰他慵

紅橋看荷花熱甚游船雜還戲拈一韻成

詩

陂塘落日張雲錦乘興來遊丈八溝鬧處直成花
世界望中誰上酒家樓
鰥蟲歲月荒炎紀浴鷺風
光待早秋回首危欄漫煙草柳絲賸繫古今愁

月夜納涼喜又昭至

倦客愛清夜佳人如惠風肯來蠲禮數相對各顛
童垂老酒強止連宵月不同還移小牀簟親切過
牆東

雨後西軒與又昭蓼齋秋屏限字

梧竹泣猶滴
堦除蟲欲鳴
誰云異方熱
共此南風清
夏屋淨餘垢
揚城嚴早更
由來歌吹地
未廢管絃聲

護月與秋屏煎茶待旦

蝙蝠撩簷燎火稀
堂墀人擁汗交揮
嗇夫馳告鼓初起
南陸仰瞻星亂飛
泡影河山同地大
繞枝烏鵲亦心微
書生莫問蝦蟇事
小杓分泉試解衣

和洪秋士中秋原韻

酒外徵歌盡夕曛
樓東皓月暢行雲
白頭強作善

才舞繡幌重張背嵬軍老味漸諳三市開閒情合
讓一杯分酣成可要凌風去信宿蘆漪有鷺羣

題鷺

臨風斂盡頂頭絲雪色猶嫌隱浪遲一夜蘆根水
清淺漫天荒霧叫鷓鴣

飲東園候主人不至

泥飲秋無度歸期指菊花喜還添酒伴樂或過漁
家野柳搖青旆寒潮戀白沙夕陽休促醉祇候已
巾車

偶題三首

懶向江亭試小車幽窗水彩照無餘日長淡坐盆
花笑拋堦縹緗一架書

紙簾無罅養秋雲揀罷烏銀日又曛自把紫沙烹
雪髓不知誰有釣酸文

宋人有
釣酸文

種水籠香滿畫盆么紅老翠半蘆村夕陽何處收
花永長倩麤毫粉署門

竹雀

以下八
首題畫

綠影抽空乍解衣白頭山鳥坐忘機箇中誰逗春
消息除是樊川杜紫微

秋林

閉置愁乘四望車老來重讀兔園書閒中不道閒
難得秋浪坡前蜀釣魚

荷花

一片秋雲一點霞十分荷葉五分花湖邊不用關
門睡夜夜涼風香滿家

茗具瓶桃

楚僖厄運長逢水寒乞詩人命帶花薄福誰堪兼
并得二年春思在天涯

雪球

千絲繡纈萬花攢剪雪裁冰作樹看芍藥正殘鶯

亦老滿園蛺蝶打成團

菊蟹竹菇

竹菇丁倒自圓勻縛束韓彭一輩新
賸伴寒花三兩點眼前可少白衣人

梅雀

碧宇籠寒春一丫畫間幽鳥自窺花
無人沁得香深淺除問孤山處士家

黃薔薇

中和舊樂記禎祥古喇新充異國香
圖與詩翁描句樣前身應是賣花郎

書院瓶中杏花將殘漫贈三絕句

遶林蓓蕾挂長紅
剪取杈枒入市空
昨夜蕪城三寸雨
又看桃李試東風

銀燈的的亂春煙
灑帽霑衣劇可憐
慧色爲誰延一日
竹符新調錫山泉

鄰壁已無吹笛客
曉窗偏送子規聲
年年寒食思家地
不獨楊枝綰別情

贈楊舜章二首

食肉橫飛萬里行
少年頭角笑崢嶸
而今老作揚州客
白髮氍毹日夜生

有耳丁東如夢雨無牙列缺不關風眼前又是前
塵事却向嬉齋喚眈翁

題秘戲圖

描眉畫目作蟲兒疊股連尻倒好嬉送與眈翁開
道眼莫教重勘十香詞

好花空作髻頭春繡被長堆夢兩人一霎芳魂特
無賴不知誰是女郎身

竹外茶煙黦鬢絲東風小院落花遲十年不作搥
牀客已到無心選夢時

詠杜鵑後漫題當歸俗名荷包牡丹南京

久客杜陵句也

碧紛裙帶綠堦草紅綴荷包滿
盞花三月揚州聞
杜宇南京久客可思家

質公餉藥釀甚佳

愁逢白隋與烏巾老至澆腸漸喜醇
急辦蓆簌三
百錢午天甘作黑甜人

戲題三首

一片清瑤十五城中山鼠鬪穴中
兵芋蘿漫笑仍
羣布不是明珠嫁不成

不惜鴉翎買媚猪教成一串撒
驪珠東風莫揭簾

衣動三脚牀邊是佛奴

生小蒼官豁眼青
可堪丹粉上銀屏
春來自信無
裁剪留取閒堦護
雀翎

戲題惲香山畫

紙窗竹屋一燈熒
排當溪山入小屏
家趣此間誰
少得漫磨墨汁祭文星

道家以東坡爲奎星星經云奎爲文章之府又云文昌畫史墨汁一斗東坡句也

題松圓老人畫

長板橋頭墊角巾
過江山色未煙塵
猛風吹醒相思樹
猶是文園白業人

題沈石田乳鴨三首

鳬翁將子帶波飛，欄鴨呼名擇乳肥。
一笑雙跗無伎倆，幾時鮮碧換毛衣。

鵝伏初離卵，茸毛未脫絨。何堪傍稚子，決意勝鵝兒。

注睨纔傾半面，聽熒似阻高巖。一竚不知回步阿誰，解脫紅衫。

送王竹村入蜀二首

紅藥堦殘燕哺兒，騾綱西去馬行遲。
情知直做三年別，無那東風鬣鬚絲。

驛路聽歌幾角鹽，離杯重對兩廉纖。
此行真試量。

才手好向峨眉認子瞻

送程夔震奉母還淮陰

板輿勤色養
櫻筍過春妍
好賦還鄉樂
長懷奉母賢
一時高士履
百里孝廉船
瀟灑閒雞犬
全家學水仙

題徐文長畫

歲歲看花向洛陽
老來拚得爲花忙

劉跛事

不知送

斷春多少始解燕支是豔妝

月夜西庭納涼喜東田枉過三首

中夏魄初圓
驪歌又判年
休亭如盼燕
風雪記歸

船百技隨身嬾長鰓覺汝賢無端蝱子夢可到竹
牀邊

柳風停羽扇庭迥夜涼多八郡收蠶麥東湖足菱
荷來收書窟老獨載酒甌過日益蕭夫子韋編好

琢磨

蕭穎士人
呼夫子

漸減聲聞障時看起滅心

耳病未愈

眼前無息影人外

有清音月白不可寐林香何處尋與君窮睡理相
勗著茶箴

題五世讀書園圖

讀書良不易舊業憶松明畫軸雲霞古箕臺水石

清一宗分世派五葉守躬耕帖括兒曹事千秋豈
近名

石榴花扇

日烈風乾孕有無好培瓦礫護根株穿皮破膜休
輕誚大有充囊守犢珠

晏起戲作

熏髓三杯軟脚腰老夫無夢度長宵邇來卯酉功
加倍要與山巾敵澗朝

題畫梅花

清暘出谷影杈桷夢裏寒香漫白霞垂老自傷鉛

粉悞幾生修到玉梅花

凌方眉畫茄爲東園破笑聊當七發

坐寂園葵撒一回蠨蛸蝗子見根芽宣和別殿遺
疏譜頭白侏儒跨馬來

飲清園

山色開塵眼花香醒醉身烽煙不到處爛熳有餘
春

晚過南園

百蟲聲裏雨初晴
壓架葡萄秋水明
十畝熟田千樹果
讀書空老不知耕

雜句

江風吹雲白日細江上柴門寒不閉

漁父

暝色起秋陰蕭蕭風滿林

晚秋

淨絲堪製服清響欲通琴

焦

定香浮上座霽色破前山

訪芥公

銅井寒流細鍾山晚翠深

半山園

蘆花未老秋江白雁語初來野樹紅

秋日

邗上繁華非故土嶺南離亂有來書

送殷六

白毫有相連秋月畫壁無燈借夕陽

雷峰塔

色含古雪常疑凍香逼諸天不近春

觀音院玉蘭花

悲風來易水殘照下幽州

晚眺

輕含豆蔻三分露微漏蓮花一線香

文官果

溪光樹色那知暮燕語花香不肯秋

亦園

蟲魚知自得鳬雁不相猜

放生池

梅花落水香連影山磬渡溪雲苔聲